



# 藏山集

七卷 七言律

八卷 七言律



淵參知藏山集卷之七

長溪游朴著

七言律

戊寅元日

旅鬢蕭疎又一春  
栖栖行李楚江濱  
片雲天外同孤影  
萬舸洲前卽比隣  
菊水漫傳荆土記  
桃源欲訪武陵津  
幽懷未逐陽和散  
酌盡屠蘇不

醉人

武昌雨

煙水悠悠，柳客袍、金沙洲畔。駐征艘、幾番風送，半帆雨、一夜江添數尺。濤鳥道未忘青嶂，濕鶴樓空想白雲高。磯頭鉄笛，知誰聽，祇有人間萬事勞。

別金存庵老師

閩海初開丈席高，執經揚鱣，濫時髦。十年重下徐生榻，千里深憐范叔袍。薇省春風，依澤國，夏門朝雨，泛江臯。未能京兆隨飛駕，短舸長波，心自勞。

陽邏團風舟中大雪

寒風吹斷綠楊枝，飛雪霏霏。四望迷涼，合蛟龍幽壑，閉光連江漢。遠天低，孤舟欲作，簑翁伴。千里難尋剡客，溪東去，竹樓堪一醉。不知誰爲白衣携。

次黃州雪李宗舜同年席上賦

赤壁磯前問雪堂，風雲四合雪茫茫。山川不辨龍爭跡，詞賦空傳鶴夢長。寒色晚侵征袖薄，飛花時逐舞衣忙。故人能載臨臯酒，醉把瑤華盡。

夜狂

丘蜀澤携酒江中

桂檝中流泛勝筵  
旅程不惜重留連  
山川一望三分烈  
風月千秋二賦篇  
鶴夢祇疑壬戌暮  
龍爭堪笑建安年  
深尊且盡今宵醉  
明日誰當和扣舷

公署待輜車未至

鉛山山下望丹旌  
淺水輕舸結我情  
幾月江湖疑夢寐  
此時風雨倍伶仃  
齊秦長憶愁時語  
楚越那知死後行  
萬里遊魂今不遠  
歸來其早逐征程

建寧飲曾少沂同年

西蜀東閩萬里餘  
與君憔悴各天居  
青楓兩地鳴猿斷  
素帛三秋過鴈踈  
幾度懷人心欲折  
一行作吏思難攄  
尊前相對猶疑夢  
莫恠更殘不上車

讀曾少岷集用前韻

不從黃鼎試丹餘  
早向江陽賦索居  
回首萬牛

爭歎愧師心易說獨分踈橫戈虎穴功難賞掩  
袂娥眉恨未攄數十年來天已定九原可作御  
公車

少沂和前韻貽予三山驛中再次奉會

倒盡千盃更不餘匆匆又復嘆離居落紅相顧  
春將老空翠回看跡已踈忽得隋珠光不夜却  
慚瓊玖報難攄三山傳裏頻搔首何日青霄共  
策車

至省城

三山佳態及春榮萬里歸來眼倍明逆旅驚傳  
遊子至緣郊喜見故人迎晴雲猶似岷中色晝  
浪還疑峽裏聲擾擾風塵緣未斷更從漁父問  
南征

謝繹梅使琉球

千尺樓船駕澗津九衢簫鼓震城闈五花麟紱  
天章耀萬里鯨波海若馴劍倚扶桑看日轂槎  
回博望動星輪皇華玉節珠方合中國應知有  
聖人

三月朔

萬里歸心毅勁孤風愁雪夢飽江湖一舟蝦菜  
隨昕夕三月鶯花尚道途松壠近悲寒食隔蓬  
踪長逐斷雲孤家中未得真傳信何處逢人問  
有無

至家

歸來塵土夢初醒水滸溪潭草滸汀園社驚心  
三月燕江湖回首五秋螢提携自愛盧生杖寂  
寞人疑楊子亭擾擾蓬踪渾未定徘徊空負故

山青

題吳蓮翁西園別業

勝選長林近郭門煙雲偏傍幾家村一尊綠酒  
柴桑逕五畝青山涑水園鶯燕每歸迷社日鷄  
豚頻數散朝暎偶來停騎垂楊暮細認平沙杖  
屨痕

出門

萬里歸來客鬢臞徘徊岐路重瞿瞿尚生婚嫁  
何時畢陶令田園已半蕪短策未能隨鹿豕扁

舟還復問江湖真慚昔日樵漁侶時叩天機近  
有無

遇宋栢亭同年于黃梅席上口占爲別

夢後空憐共帝鄉風雲岐路兩茫茫五年老我  
愁多事一日逢君喜欲狂江上不堪搖落候酒  
邊仍是別離觴多情宋玉應悲絕楚蜀關山各  
斷腸

黃州楊大守一中招集定惠院夜觀海棠

臨江古榭敞華觴共把新燈照海棠勝地每爲  
名士主幽花仍是昔時妝相逢劇語千秋感自  
詫當歌一夜狂去住蓬科憐不定寸根千里笑  
飄揚

黃州遇張郡丞相與談話蜀事別去

青天鳥道共三年回首風煙一惘然雙旆蒼茫  
江上合一袍驚喜夢中憐相看容鬢秋初入對  
語心期月竝懸把袂匆匆仍遠去生憎流水竹  
樓前

至夷陵感題

數日相從麋鹿群輕輿忽到大江濱楚天仍共  
故人月蜀道行穿神女雲客裡年顏愁自改峽  
中秋色好誰分兵厨幸有青州使且對旗峰試  
一醺

### 梅子坡

西灤西來梅子坡險如蛇退鬼愁多日光不照  
厓根坎雲氣常棲石頂窩有淚真堪猿並落此  
身直共鳥相過年來頗熟人間險立馬坡頭一  
浩歌

### 次梁山胡郡伯存軒高象峰別駕夜讌

梁山秋雨滿城泥倦客西來思欲迷皂蓋使君  
時過問青州從事夜頻携垂墻細柳今爲帚傍  
圃殘桃舊有蹊爲感流光須酪酏不辭添燭聽  
鳴鷄

### 送任雲門侍御還越

馬首東西悵去遠梁山秋色逐人歸十年耿耿  
心期在一日匆匆面會稀峽裏驚瀾疑世路天  
南芳草襲春衣似聞宣室方前席莫過湘江問

楚纍

王章庵同年爲長句別予有來春之約賦

此酌之

兩年滄海苦遐思  
四日梁山又別離  
坐破一甌愁對酒  
歌殘三疊悵臨岐  
清霜列院鳴猿斷  
落日孤城去馬遲  
亦識前期芳歲在  
只今何以慰淒其

九月朔日順慶鄭大府果庵席上賦

豆子初班菊欲黃  
一聲南鴈落寒塘  
年來已覺滄洲遠  
老至方諳道路長  
每恨吾生逢閔割  
不堪此日倍辛傷  
果州何限秋光勝  
獨對華觴淚數行

魏冲字自敘南來會邀登太慈閣有詩見  
貽賦此酌之

萬里長風吹鬢來  
數枝寒菊傍人開  
鄉臺仍向天邊望  
遊客新從海上回  
共倚脩闌延暮照  
更傳佳句壯秋杯  
獨憐高調誰堪和  
自古陽春屬楚材

朱明虹觀察河南二首

清時開府向河陰是處傳譴動士林  
西土五年留蔭遠中州八部望雲深  
衮衣信宿誰家念祭戟清風何處臨  
獨有錦官城上客不堪離恨獨沉吟

歲星金馬舊婆娑帝遣寒帷四望過  
河內使君還暫借梁園詞客向來多  
霜清少室瞻飛節風穆中原聽雅歌  
巴客舊曾陪酒翰可無西笑到岷峨

戊寅小至

是日雪

益州三謁迎長日今日重驚小至臨  
風葉落鴉沿澗舞雪花隨馬沒橋深  
乾坤潦倒惟雙鬢鄉國迢遙空寸心  
雲物幾迴勞眺望海天東去思難禁

簡州舊城學宮試士

素王古殿倚江斜故國春風換物華  
君看庭前桃李樹自開枝上兩三花  
文章已變螿蟻叢舊詞賦應羞狗監  
誇信取雄心觀畫蟻敢云歸興逐

昏鴉

同俞太守登望江樓樓有杜陵詩及鮮于

草書

山澹晴暉宿靄收相逢聊復一登樓  
三春煙景天中合千古長江檻外流  
杜老幽懷隨地盡鮮于遺墨至今留  
凭高莫撫當年跡牽動遊人萬里愁

聞朱明虹改潼關之命

梁園白雪賦新裁又報函關紫氣回  
萬里風雲憑指馭三秦豪傑入招徠  
共看劍色封鯨觀不說簫聲到鳳臺  
太白西頭元鳥道銜書早晚益州來

馬湖張司馬迎養其母不至遂棄官歸壯  
而賦此送之

萬折嶽岑鳥道開何人獨向急流回  
舊聞徐庶辭劉去今見王陽返馭來  
綵纜逐波春滉漾班衣映錦晝徘徊  
聖朝孝治方虛席未許羅山便鑿坏

試士

三度崇陽校藝程諸生籍籍半知名競將綵筆  
干霄上不羨黃金買賦成挾策自矜群力屈登  
壇誰使一軍驚為言努力飛龍運早駕秋風聽  
鹿鳴

五日集金沙觀競渡

五日龍舟竝水涯錦幟綺席集金沙百花潭暖  
魚吹浪萬里橋長鷺落霞度外踈篁侵客坐隔  
林新艾入人家留連薄晚還酣舞影亂遙天織

月斜

鐵少山司理奏最勲封其母是年適六旬  
也持軸索題

寶婺祥光夜四垂翩翩寵命下彤墀碧鷄坊射  
龍章赫青雀書傳象服宜錦水時將雙鯉繪瑤  
池日御九霄扈歲星欲識今誰是但看蟠桃熟  
幾枝

姚鳳麓自漢嘉見貽諸刻懷寄賦此

秣陵詞客且嘉州天遣凌雲日載遊思逐春雲

峨頂合吟成秋水大江流岑生欲割區中繫郭  
氏還登爾雅丘數襲霞箋飛錦水芙蓉城闕迥  
生愁

建昌夷變

纔報松州乍解圍又傳越雋羽書馳商宗未震  
二年伐方叔猶勤六月師樵爨只今憂餉饋爾  
絲能假念瘡痍書生空負毛錐誚欲請長纓漫  
有期

綿州見蘇成齋侍御不及別而行寄懷

鄉里衣冠最擅場長公矯矯鶴孤翔十年臺史  
聲名滿萬里遷臣道路長落日忽驚承語笑春  
風那惜暫徜徉夔門舊是豪吟地時遣雙魚錦  
水傍

棘院

五年羈跡錦江涯鎖院重看俊彥馳自笑文翁  
無教澤敢期揚馬薦明時茂陵安取題橋壯天  
祿何須識字奇猶有穆如遺韻在清風誰復繼  
前師

送張公子還四明乃翁方入覲

鳳毛矯矯西南飛阿閣亭亭東去歸海上近臨  
三島闕日邊遙戀五雲暉共憐丹穴多奇產好  
趁清時早覽輝我亦滄洲煙外翼因君悵望舊  
鷗磯

岷江萬里東南流公子翩翩憐壯遊結束一朝  
還故國知交四海生新愁大兒今見孔文舉有  
父昔之張益州卽看排風接翅起籬間斥鷃空  
嘲啾

庚辰元日

飄飄何處海東人六見芙蓉江上春天外落雲  
鄉信杳水邊芳草客懷新椒花漫引屠蘇酌綠  
勝應羞潦倒身墻角寒梅如舊識年年飛片過  
比鄰

送朱緝泉還九江

風吹錦水碧粼粼相送江頭倍楚辛芳草欲迷  
離袂色飛花還擁屬車塵由來白雪難爲調此  
去青山不負人歸向柴桑問三徑孤松五柳不

勝春

送繆至田還山陰

抱得春懷鬱未平  
江頭忍復送君行  
望中芳草依依遠  
天外浮雲冉冉輕  
鏡水于今歸賀監  
剡溪何日訪王生  
吳鉤未解心先結  
月下離尊手自傾

送張汝川長史還汶上

一琴蕭索隴州來  
楚醴時從江閣開  
上谷甘棠傳舊詠  
錦官老栢入新栽  
曳裾未遣迹名累  
操

瑟終牽負俗才  
前輩風流今好續  
齊南魯比大徘徊

爲黃振海題其先人獨行卷

隱君高誼拂秋旻  
古意真令末俗淳  
人情薛包分後產  
神呵庾袞疫中身  
生無環堵居黃卷  
沒  
有榮名動紫宸  
天隲栽培元不爽  
但看麟趾日振振

望鄉臺

荒臺徙倚望鄉關  
思入蒼茫海上山  
栢水城高

雲結幕蓮花峰麗月如環江門碧沼供舒嘯石  
竇黃精可駐顏六載風塵成底事空令猿鶴悵  
盟寒

過左史蕭溪署中避暑

四月炎蒸坐困時相從仙署借逶迤朱榴綠篠  
娟娟好小簟疎簾事事宜穆生不醉當筵醴謝  
傳全輸別墅棋徒倚不知明月上一天涼露沁  
塵綉

九月一日至衛輝

客舍匏尊漫一斟客懷聊得慰蕭森生來合有  
風塵相老去能忘弧矢心直北飛雲千里外天  
南過鴈九秋陰何人九十猶交警衛壘前頭淇  
水深

九日過趙州懷屠太守

長憐分劍錦江頭忽漫相過古趙州已喜甘棠  
歌兩地其如采葛恨三秋森森樹擁棲鸞郡漠  
漠塵蒙去馬輶况值黃花風景暮客尊蕭索倍  
離憂

送安雲衢訓福安

執經當日共橋門  
燕市重逢又別樽  
二十年光驚去轂  
八千雲路悵飛旛  
絳紗喜近枌榆社  
明月長依苜蓿村  
一去故園蕪沒久  
送君南望欲銷魂

辛巳元日

銅龍聲促禁鍾連  
四表同瞻尺五天  
夜色濃分仙掌露  
春雲遙接御爐煙  
鳳韶乍聽虞廷奏  
鳥道猶驚蜀國弦  
南北驅馳無寸補  
且從列戟祝堯年

羅聞野侍御按陝西回爲其尊人及二母壽  
迎暉堂上絢朝曦  
車馬聯翩婺水涯  
繡繡共看排闥日  
爛衣自愛過庭時  
西關氣返青牛馭  
南極光分紫鳳綦  
欲識大年何處問  
皂囊字字五千詞

寶婺聲華世所聞  
齊眉遐域日初暄  
鸞書直壓黃山重  
象服遙分紫氣溫  
柱後惠文回日月  
枕中鴻寶閱乾坤  
年年共仰維南斗  
挹取黔江入

壽尊

送陳象州恤刑雲貴

玉節新持出未央  
遙從北極問南荒  
行看律變青陽吹  
坐見盆垂白日光  
春入昆明灰自暖  
風迴貴竹瘴爲鄉  
一封入奏天應笑  
卽有金雞下夜郎

送林南山還里二首

十年郎署惜盤桓  
神武門前忽掛冠  
退向急流誰最勇  
愁聞行路古來難  
江頭自買朱公棹  
海外行添任叟竿  
儻上三山看朔鴈  
無忘繫帛到長安

羊腸已熟世途頗  
一笑歸兮鬢未皤  
白璧謾云吾道是  
青山轉識主恩多  
翟公門在堪羅雀  
內史書成足換鵞  
若過田間逢醉尉  
不須嘆喑問前呵

朱廷尉可大南歸

公車早上大明宮  
指顧全收稅苑雄  
製錦暫從中執法  
爲裘酷似老司空  
燕歌忽引趨庭思  
齊

客誰當鼓瑟工獨使通家添別恨心隨飛楫越  
江東

春風綠髮映垂魚獨立青霄玉不如都下競傳  
司馬賦篋中驚滿樂羊書蛾眉自古難爲寵夔  
足知誰竟有餘六月天池聊假息圖南九萬莫  
躊躇

朱可大以詩留別詞甚愴然再賦畲之

軒軒韶舉燦新霞南望匡廬結思賒此去漢廷  
誰折檻向來俠士失朱家尊前白雪流春唱城  
上烏栖咽暮笳曲斷淒清回首處滿天風色起

楊花

望諸陵

群龍夭矯下晴空千里天開帝兆雄複道參差  
銀漢轉宮牆迴合碧霄通百官夜待銅龍月萬  
木寒呼石馬風欲識皇家天共遠九陵佳氣日  
葱葱

陵祀回同謝漢甫遊碧雲寺歐禎伯貽詩  
見懷

宵窈禪宮駐碧雲朝陵回轡躡清氛高天欲接  
丹梯近落日遙看紫氣分歐冶不教龍劍合謝  
宗猶傍鳳毛群山中已聽鈞天樂却笑人間那  
得聞

盛宗陽陳豫庵二丈夜集

幾年江海嘆飛蓬此夜燈花滿意紅斗畔光寒  
雙劍合天涯春老一尊同應龍誰見軒轅跡市  
駿空傳郭隗宮容易相逢須盡醉禁城遮莫五  
更鍾

三月駕出大閱次歐禎伯韻

十里沙場別殿開如林虎士肅宸裁喧傳魚鑰  
千門啓望見龍文五采來周闕自雄爭超乘漢  
軍人喜得登臺共憐稽顙呼韓日閒却行間肺  
腑才

禁中忽念大風篇帳外花迷輦道煙鸞輅六飛  
巖曉蹕羽林萬騎合春田朱弓月轂天山鏘玉  
勒雲驅瀚海鞭桑土不妨先雨候兩階端是舞  
千年

陳豫庵聞添孫之喜走賀一首

帝里秋風氣未蘇  
孫枝遙報發新梧  
武夷夢入懷中玉  
滄海光先掌上珠  
雲路方騰驥  
裊足朝陽日  
長鳳凰  
雛明年歸錦牽裾  
迎會割庭甘  
將祖鬚

送盛宗陽南還無寄吳麟洲

斗酒馮將慰礪峨  
不堪愁耳近驪歌  
懸心海國雲千里  
執手天涯日幾何  
去路楊花春欲暮  
滿江桃雨水方波  
到家吳質應相問  
近跡參辰恨較多

同歐禎伯賞芍藥作時歐已有留都之命  
深署沉沉清晝長  
數枝新艷閨濃光  
皎風自媚輕肢舞  
斜日猶酣半面妝  
滿座風流禁欲語  
誰家士女敢相將  
明年與客還來看  
何恨當階憶謝郎

四月二十八日祁母悅辰賦此爲壽

上元星降天休節  
瀛海傳籙悅在門  
七紀謹承三世養  
四朝榮被九天恩  
瑤池浪說桃花結  
寶

樹何如桂實蕃共願摩耶常住世長看佛度衆  
生繁

送朱可大判汝州

南風拂拂引飛旌折角朱雲出漢京去矣行吟  
臨汝岸誰其坐嘯古梁城崆峒好問軒轅跡楚  
鄭無須別駕名尊酒重論何日是佩刀欲解不  
勝情

唐華濱民部太夫人七袞時華濱奉使東

旋

遲日揚暉絢紫雲高堂佳氣鬱氤氳山南又見  
唐新婦海上爭傳漢少君天篤貞祺增壽豈帝  
褒名淑錫朱纁試觀禡寢開祥頌多少承明作  
者文

游子承恩出漢京大家擁傳逐東征潘輿自快  
褰帷望萊絲燕看衣繡行七十年回天女笑三  
千桃見歲星名時人若問長生藥指取中霄玉  
露莖

又代陳葵心年兄題

葵女祥光傍紫微壺陽別是有春暉熊丸自昔  
稱賢少鶴髮于今過古稀三命天高來赤紱五  
雲日麗近斑衣小人有母同垂白安得依依願  
不違

歐禎伯廷尉遷南屯田

廷中朝散玉珂聲南國佳人賦遠征漢史政厯  
溝洫志晉家元倚石頭城詩名曾見稱工部國  
計今須借水衡江左貴遊方倒屣尚能回首憶  
王生

青霄老去快高搏詞客爭彈白下冠新佩陸離  
看自好舊遊一別合應難兩都藻麗雄篇富六  
代風流醉眼寬倘念向時羅雀署詩成頗問北  
來翰

送王華原令嘉善時浙西方有饑寇之警  
玉階光映五雲紅金帟符分百里雄舞合桑林  
方閔雨斤從郢匠自成風嘉禾行紀吳年瑞樵  
李還收越士功利器由來盤錯試莫因時事却  
忡忡

朱明虹大叅自潼關移鎮汾陰

幾年函谷靜泥封代北雄圖重借公此去遺黎  
誇晉問向來詞客尚秦風臨汾神策新歌鼎分  
陝甘棠舊蔽空夢卜只今塵石畫可容威鳳久  
河東

明虹未出關喪其夫人至汾復隕愛子寄

此奉慰

鳳闕恩綸傍日裁龍門新府倚天開懸知代馬  
空無匹却恠秦鸞去不回紫氣關前看漸遠白

雲汾上賦生哀黑頭公輔行相及莫爲安仁鬢  
早催

華掌春雲駐不飛傷心玉女露先晞千秋內史  
留彤管白日中幃斷素機翟芾夜悲垂總揜魚  
軒寒傍廣車歸未知文自情生也孫楚詩來淚  
滿衣

秦關鼓缶曲難調漢時仍傷玉樹凋天上忽收  
神駿去人間空羨阿龍超封還羸博家何處淚  
盡西河恨未消我輩情鍾驚往事抵今魂斷不

堪招

邢子愿巡河東

漢使初埋闕下輪幘帷隨處說風神河東六月  
清霜早池上千家絳雪春文學不煩鹽筴議明  
廷爭擬諫書新草間狐兔寧須顧欲向滄波問  
逆鱗

署中榴花謝久矣忽一枝再開用杜櫻桃

韻

七月榴花更自紅一枝長遣綠煙籠傳從博望

來何暮賦入河陽品故同百子遲看安石兆孤  
標欲壓火珠宮秋姿領得恩光厚不向西風逐  
斷蓬

張肖山寮長添孫用前韻

年來何物足堪娛盡日冥心對稿梧忽得雲箋  
天外至傳添蘭玉世間無共誇和相宜三美已  
是徐卿第二雛祇用更談玄外境花前歌好笑  
掀鬚

寄懷吳蓮陽師

早從南海乞身閒歸卧東滄鶴共還匣劍只今  
餘紫氣杖藜隨處有青山詩成欲破千人涕藥  
就應回九轉顏近種西園多少樹新枝旖旎許  
誰攀

一擲江門舊釣筭春風回首惜蹉跎鏡中青髮  
年來少衣上緇塵日以多往事翻慚漁父問新  
愁聊傍酒人過滄洲忽有雙魚至一夜鄉心繞  
薜蘿

送澹泉裴年兄得請歸省

榮命新傳出禁扉寸心先逐白雲飛宮中特賜  
黃金壽道上爭看綵服歸行處使星驚有琴誰  
家卿月照重闈臨汀天半千年石到日春風好  
振衣

主眷從容賜沐初畫車行望里門趨承懽日月  
誰堪換矯首雲霄思轉紆青瑣幾年三殿䟽天  
閑萬隊五花駒知君未厭承明直黼辰宵衣念  
正劬

送盧冲寰之祁州

萬里青霄羨早鶩文章誰不愧盧前一麾出領  
州如斗五馬爭看吏是仙柳合滹沱春水泮棠  
垂危渡午陰偏亦知衙散垂簾晝尚憶廷中結  
襪年

張肖山自廷尉出按察建寧便道還蜀

金明初徹鷺鷥班玉節雄分虎豹關春色長留  
丹筆署霜威遙動幔亭山仙巖行續虹橋斷梓  
里先迎駟馬還七步扶携瞻露冕須君早振海  
東轡

千門寒色拂驂駢千騎遙遙擁旆飛帝簡近臣  
分拊牧人誇詞客有光輝蜀都驚負前驅弩閩  
嶠爭牽直指衣此去恩波覃日出都亭回首思  
依依

寄哭繆方石四首

政術文章兩擅名青雲白石獨留情一官雞肋  
知誰巧幾載菟裘早自營人世若逢金鼎就帝  
居已促玉樓成天涯一掬生芻淚洒向何年宿  
草青

東帶歸兮笑督郵  
初衣盡付酒杯浮  
未酌向子婚姻願  
遽作盧生汗漫遊  
一唱朱絃人已絕  
千篇白雪世長留  
謳吟空擬巫陽夢  
知在蓬山第幾丘

往時並馬出京華  
共指滄洲結釣槎  
回首舊盟寒鹿豕  
驚心新歲在龍蛇  
阮生從此虛雙屐  
莊子憑誰說五車  
欲上望鄉臺送目  
不禁魂斷後歸鴉

石室文成未勒銘  
丁陽遂闕草堂靈  
亦知高士多遺落  
遽使邦人失典刑  
莫恨驂騑終伏櫪  
相聞詩禮蚤趨庭  
韋賢有子能傳業  
早晚明經起漢廷

鄭盤石司訓松溪

詞藻翩翩鄭廣文  
筆花常入夢中新  
鷓飛宋土應難進  
駿市燕臺定孰真  
三策倦投黃閣午  
一經歸擁絳紗春  
明年梓里賢書獻  
定有松溪席上賓

李兩山同年出守河南

千騎如雲擁畫輪  
駢駢五馬不驚塵  
檐帷遠映高霄色  
省署長留湛露新  
鶴駕尚疑緱氏日  
龍門應滿穀城春  
洛陽才子知多少  
莫使吳公解薦人

萊蕪胡大尹書來相念賦此奉會

故人千里數行書  
滿把瑤華慟索居  
爲念翟公門有雀  
翻憐范長釜生魚  
伏龍洞窟流雲細  
嘶馬河澄印月虛  
聞說訟庭無一事  
棠陰漸欲徧郊墟

壬午元日

九重鳳紀履初新  
萬曆鴻圖又十春  
玉帛五方同象譯  
衣冠三殿集鷄晨  
克儀習見天顏喜  
獻歲遙聞壽語頻  
共道時清無一事  
朝回且覓典衣隣

送原尹考滿還邑

三載絃歌潞水濱  
歌聲上徹九閭聞  
孔門原宰推高第  
漢吏文翁自不群  
幾處棠陰連綠野  
雙看鳧影入青雲  
情知百里淹賢路  
且爲蒼生借

使君

題黃尚書郎壽母卷

高堂燕喜照春明八座流風四海傾  
白髮尚存絺葛服青雲重見錦衣榮  
闕下未遑將母念尊前何恨倚門情  
亦知海屋懽無極彤管方書奕奕  
葉名

送傅少巖巡按貴州

穎國流風不乏賢如君文采自翩翩  
殿中日照宮花繡柱後風清貴竹煙  
諫議舊持金馬節西

鴈前

送陳筆山守永昌

朱幡搖曳出明光鬱鬱猶含漢署香  
舊草盡傳都水使新符雄壓夜郎王  
千山暝色啼猿合萬里春風去馬長  
諸葛遺民應聚語干今重見使君良

留客對奕

朝回高日滿屠蘇小几香銷一事無  
揪局憑將

醒蝶夢隱囊相對學蠲枯此中信有商山樂何  
物堪將別墅輸斂却殘枰成一笑半甌春茗送  
西脯

春暮同府諸丈過集

東風習習百花柔帝里韶光幾日留語燕頻來  
如有訴垂楊欲舞不禁愁莫教綠髮隨春暮且  
破黃金買醉休試向軒轅臺上望蒼茫烟樹幾  
沉浮

李柳州袁秘閣謝光祿陳庫部集靈宮分

韻得江字

帝里珠林共夜釭一尊容與話滄江三分春色  
詞爭麗幾載鄉心醉未降象緯似聞奎井合龍  
光欲傍斗牛雙明朝却送河東騎晉問應傳筆  
似杠

送謝繹梅光祿使晉藩哀冊

仙使新銜帝命哀霓旌西指曉氛開雲中節並  
雙星入天上槎應幾日回三晉河山驚洒翰百  
年萍梗惜離杯長安不忘同懷客早晚飛鴻繫

字來

睡蝶

何物逢春不自憐  
鳳車沉困百花前  
留連舞翅慵無力  
醞釀芳心醉未還  
風汎海棠時共睡  
煙迷宮柳晝同眠  
花間小扇休驚撲  
爲惜華胥夢裡天

遲日濃熏午吹輕  
粉翎退盡若爲情  
倦尋芳藥飛難起  
穩抱桑枝睡不驚  
清夢可曾隨傲吏  
香魂何處逐韓生  
轉憐擾擾塵間客  
欲作南窓卧

未成

送林紹木博士之福州

彤雲散色映臨軒  
捧得除書近故園  
諸士共懽新授席  
三山猶記舊環門  
幾年夜雨韋編冷  
此日春風絳帳溫  
執戟尚憐同社在  
可堪愁緒對離樽

送鄭司訓

朝散逡巡下玉墀  
駢駢去騎趣歌驪  
分携共惜楊花暮  
歸去新嘗荔子時  
海上諸生傳笥業  
天

涯游子動鄉思及門故友應相問爲語蕭疎髮  
已絲

王亦泉自都下還嶺南以詩見寄

萬里孤鶩逐鴈還五雲回首思長懸新詩不作  
懷湘賦往事猶傷去國年誰使驂騑甘伏櫪肯  
從燕雀說冲天清朝材館無遺錄海上蓬踪好  
自憐

李脩吾同年太封君榮壽

南極宵縣紫極旁南山春引綵雲長宮袍新賜  
三花爛舞服遙憐五色光鴻寶枕中多秘授鳳  
毛天上日高翔欲從宿海窮餘潤挹取靈源入  
壽觴

壽熊封君

仙翁何事醉顏酡醅發彭湖酒作波九十年華  
看荏苒八千椿老自婆娑蘭臺日近雲霄迥藥  
圃秋深雨露多莫向天涯咏將父要看舞服卽  
鳴珂

送高春臺判靖州兼寄李淳泉太守

上佐溫綸下紫宸渠陽懽覩倅車新雄飛初試  
雙鳧遠別駕平分五馬春楚峒風煙開瘴癘沉  
江蘭芷頽芳辛郡侯况復逢元禮卽看龍門接  
要津

俞見嶠自成都寄音奉命舊爲綿州太

守

越王臺下共驂駢在舟俄驚往事非風雪頻年  
春鬢改關山千里暮雲飛雙魚忽汎巴山遠五  
馬爭傳錦里輝未得相從看化俗故心回首轉

依依

聞蟬

一葉庭梧早報秋寒蟬嘒嘒助蕭颼似憐遊子  
鳴孤寂共惜浮踪愒滯留疎柳陰中催急景斜  
陽影裡韻閒愁年來玄鬢時看短爲爾旋添素  
雪稠

送陳直吾羣野二仲南還

潞河垂柳葉初凋萬里歸雲逐去船鄉夢已先  
流水到客愁漸近故山消青霄秋並雙飛翼滄

海寒生六印潮墻角短檠休便棄君家業擅五  
車饒

送沈觀瀛得請奉母南還

長安秋色拂征旂乞得君恩下禁闈季子笑携  
金綬去安仁懽奉板輿歸江行生鯉看雙躍天  
外冥鴻羨獨飛回首九霄猶咫尺斑斕舞處轉  
依依

朱覲華外祖高縣尹八十

兩地甘棠惠愛深一竿歸釣珥江潯門前五柳  
紅塵斷庭下三槐白日陰誰撞煙樓紆紫綬人  
誇宅相縮黃金榮名八十渾閒事看取當年拂  
袖心

訪袁水雲

問竒頗過子雲居架上蕭蕭幾束書玄就從教  
嘲尚白龍蟠誰信服爲魚九霄寒月千門曉一  
曲清商萬木疎便欲相從卜鄰去桂花應許襲  
人裾

送陳豫庵之濟寧州

總角才名五十秋，蹉跎聊爾一監州。  
干牛有氣時難識，汗血爲駒晚見收。  
四載禹功留馬夾，千年魯史係麟丘。  
屏星到日探遺跡，何恨雄心付勝遊。

三載長安共素襟，連牀風雨幾宵深。  
狂來漫擊高生筑，舌在寧論季子金。  
尺檄忽催遊子駕，綳袍欲折故人心。  
金山盧水遙相望，猶有飛鴻早暮音。

送寮長陳象川守重慶兼懷郡中舊遊

漢廷仙尉賦西征，疊鼓鳴鉦出上京。  
丹筆幾年明法署，朱轡千騎擁專城。  
娥眉月入清溪浦，巫峽春回錦浪生。  
長記郡齋投轄處，送君吟望不勝情。

秋夜聞砧

數聲鳴鴈下秋原，寂歷疎燈對掩門。  
浦院星河驚獨夜，誰家砧杵度黃昏。  
愁催月下鳴機急，響亂霜前落木繁。  
故國十年歸未得，授衣時節倍傷魂。

寄會成都郡僚

美人天外念離顏  
歲杪飛鴻入漢關  
萬里瑤絨開錦水  
幾年清夢隔巫山  
舊傳襦袴歌謠在  
重見閭閻揖讓還  
惆悵昔遊何日嗣  
薊門回首路漫漫

癸未元日舍第五旬余羈官京師莫能舉

一觴也

猶記髫年把抱時  
相看忽已髮俱絲  
八千里路緘魚闊  
五十春光隙馬馳  
鴻鴈祇知遵渚樂  
鶴

鴛長有在原思  
何緣縮地天南去  
爛熳花前共一卮

朱可大量移浙中貽詩見懷賦答

美人何處度雲輶  
遠采瑤華問寂寥  
俠氣尚存燕市筑  
驚魂初落越江潮  
幾年白日黃塵滿  
萬里丹青赤羽遙  
宣室紛紛召才子  
可容淪落遠清朝

廷中共側遠遊冠  
幾得相從醉後驩  
一去孤絃流水寂  
忽來尺素夜光寒  
梁園舊誦千篇在  
越

絕新成百代看相念不妨頻問訊春風何限北  
歸翰

韓麟洲三守覲畢還州

薊門新柳散晴煙縹渺雙鳧下九天吏治共推  
韓長最主恩重借寇君還馬前惜取鶯花暮海  
上携歸雨露偏自咲風塵疲執戟離亭繫轡意  
茫然

楊培庵致政歸陽城

蒼生延踵望經綸却向清朝乞此身自古惡流  
誰勇退如今林下見歸人析城遂捨清萍氣王  
屋行添紫蕨春明主尚厯賢達念可容箕頽遂  
沉淪

三年廷署惜遲留忽訝驪駒唱倦遊丹筆幾人  
思法雨白雲何處訪仙旂眼中鵲起誰堪辨天  
外鴻飛不可求我亦海東鷗鷺侶因君一夜夢  
滄洲

陳文溪使淮南慮囚便道還里

使君雲幘擁星軺手捧丹書下紫霄清鑑竝懸

淮浦月英聲先撼廣陵潮舊都再覩雙龍鉞故  
里爭看駟馬橋十載滄洲勞夢寐因君魂去不  
堪招

王壽軒使楚遷叅藩關中

三楚輜車未息塵驚傳紫氣入關新姬公勲大  
還分陝蕭相謀深合餉秦太華高懸千嶂月河  
流徧入萬家春峰頭十丈芙蓉發何日因風寄  
所親

李鳳岳進士詔賜歸昏

青鸞書附紫泥封特領天恩締萬松一笑春風  
歸射雉誰家喜色近乘龍潮通蓬海無多路夢  
入巫山第幾峰倚席政厘明主念蕭聲莫戀鳳  
樓濃

蔡共朋虞部之淮安督舟

薊門秋色擁行旌漢室中郎出帝京六傳新馳  
淮海使三江舊識水衡名樓船汎逐桃花集尊  
酒時從桂樹傾倘記上林羈客在飛魂不斷楚  
雲橫

林方湖守茶陵

躍馬看花早著鞭青霄渺渺快孤騫金章照日  
專城牧玉樹臨風弱冠年紫蓋長懸千里月清  
湘不斷四時煙知君露冕行春暇多愛茶溪石  
上泉

袁肖海判滄州前令黃巖佐襄陽謫今官  
除書復捧向滄州潦倒新恩愴舊遊天姥雙鳧  
元自遠峴山片石爲誰留十年射策還今日一  
曲離歌况暮秋欲解佩刀情已結翻憐去鴈逐

征輶

寄留都比部陳次巖陳來書甚誇其署中  
之勝

公車同賦帝京篇一判風煙幾十年江上暮雲  
寒自結天涯明月夜誰憐吟踪欲徧三山外醉  
眼應空六代前亦識僊曹多麗况新詩可少故  
人傳

劉紹屏自大理守徵江

一麾新擁畫熊輶碧岫青楓萬里遊侍從幾年

雲母署駉驪千騎夜郎侯山雄湧拔名高並水  
遶江川澤共流金齒只今勞盱食西南半壁是  
昆州

吳中淮守太原

西山飛雪擁離旌千騎駉駉向冀城塞上風雲  
常接地禁中頗收舊知名介山田在褰帷問講  
武臺高緩轡行五部年來方解辦胡雛應許近  
邊迎

熊陸海補授河南都幕

珍重新恩下玉除中川仍領小戎書經傳西蜀  
名家舊賦入梁園授簡初夢後已知身是蝶悞  
來誰信子非魚幸逢明主憐同世未許轅門久  
曳裾

宋方麓進士令崇陽便道過里

玉階初獻九閣書金虎遙分百里符錦里春光  
歸駉馬楚天明月遲雙鳧懸知范釜長如水更  
願劉鞭好用蒲岐路相將情獨結吳鉤欲解幾  
踟躕

黃對茲給諫左謫永豐

邊庭何事日驚塵去國翻悲叩闕辰本爲九重  
分拊髀敢云孤憤快批鱗霜寒楚澤遲吟棹雪  
滿燕山擁逐臣宣室卽看前席對不須投賦問  
靈均

承天王進士塔索題池虹卷

海內衣冠最擅雄諸王名業似江東青雲甲第  
聯天上白雪風流冠郢中欲識詞宗頻起鳳但  
看華沼幾流虹芝生蘭茁尋常事爲有君家慶  
不窮

送郭夢菊按察廣右回憶益州講業不勝  
愴然賦此

使節翩翩擁漢槎南浮五嶺卽君家主恩重借  
寒帷寵士論同歸藻袞華此去風雲生八桂向  
來山斗尚三巴錦官回首環橋日牽引離心未  
有涯

送陳文溪比部出守處州

幾年偃蹇白雲曹一日聯翩卓蓋高方國舊推

東越長天池新徙北溟毛詩成麗水波增媚劔  
入龍泉氣竝豪何限春光隨露冕風塵可復憶  
同袍

游參知藏山集卷之八

長溪游朴著

七言律

甲申元日偶成

幾年筭濫佩魚班雲署優游吏隱關金馬朝回  
春書永玉猊煙靜午函閒數杯綠酒懽婪尾一  
卷黃庭欲駐顏却笑東方多浪跡歲星何事到  
人間

題靈璧侯湯世隆貞慈壽卷

帝里晴開壽域新  
侯門掩藹不勝春  
紅巾何處傳青雀  
綵服誰家舞玉麟  
杯近南山還比節  
籌添東海欲生塵  
賓筵更覓長年祝  
帶礪盟書世自珍

卽事

鮮衣怒轡滿長安  
南郭先生眼倦看  
鹿到宮臣多似馬  
雀逢衛尉卽爲鸞  
曲臺花榭開春早  
列院歌鍾競夜闌  
交戟近依天咫尺  
有人裘索不勝寒

送李座主參藩河南

遙分密勿絲綸詔  
暫輟承明供奉班  
草疏名高青瑣在  
薇垣星麗紫霄間  
大河春水千家潤  
嵩少晴雲盡日閒  
獨有依依門下士  
絳帷望斷不堪攀

趙晉峰司理池州

斗酒相逢意未償  
恁攀垂柳薦離觴  
幾年江海浮踪合  
萬里煙霄去翼長  
拂袂春風生爽署  
揮毫明月滿羣陽  
貴池雙鯉知多少  
取次新題入

帝鄉

清明同寺諸丈遊真覺寺

鬱鬱晴光擁水隈上方宮對碧波開  
峯堯孤塔天中起宛轉疎鍾樹杪來  
厭逐紅塵聊解轡暫逢清勝一傳杯  
共憐幽賞歸鞭暮十里楊陰首重回

送李承露文學赴清河

三年錦里挹清塵燕市行歌重愴神  
客路驚看玄鬢改離亭忍對綠尊頻  
雄飛合在青雲上小隱聊分絳帳春  
洛水陰山多嘯咏新篇應及倦游人

孫文庭同年令崇德

鹿鳴歌散各風煙帝里重看跨鳳鞭  
幾向干星占紫氣暫從流水聽朱絃  
越江忽泛雙鳧去雲路誰爭一鶚先  
汨沒緇塵疲執戟爲君歌咏遠遊篇

陳培所職方叅知湖廣

長安春盡夏雲生冉冉光浮岳使旌  
湖上山川

新借色禁中頗收舊知名十年密勿邊城疏萬  
里風流江漢情屏翰也應從暫借使君元未厭  
承明

鄒南臯給諫謫留都

蘭佩蕭蕭去禁廬天南誰復伴離居屈平纔返  
行吟澤賈誼仍傷痛哭書萬里浮雲迷故國三  
山落日駐征裾醉鄉最是逃名地且傍秦淮問  
麴車

送湯義仍授南太常

金陵亦是漢西京君去應專作者名長信舊傳  
司馬賦奉常新拜叔孫生三山落日移吟舫六  
代流風入醉觥惆悵同心不同往暮雲空傍大  
江橫

肖渠按察以近作見貽賦會

青驄蹀躞鳳山城隱隱雄名動帝京羽檄三江  
傳使節綈袍千里見交情懷人旅鴈先秋到浦  
把靈蛇入夜明兩載流塵封硯席爲君起拂案  
頭螢

送韓比部若韋知河南府

十載金閨對夕郎  
朱轡一日爛朝光  
恩分湛露歸方岳  
笑領香風下洛陽  
駿業應同嵩少起  
離心欲共澗瀍長  
良宵不忘連牀約  
時望飛鴻入帝鄉

陳錦衣母淑人十月一日壽辰

十月莫開應小春  
東皇有意共生辰  
千年勝約傳青鳥  
五色班衣舞玉麟  
紫禁近依雲彩麗  
金莖長挹露華新  
賓筵拚却如泥去  
爲愛芳芬孟

氏鄰

送杜大行使河南

緋袍綠髻映朝行  
袖捧天書下玉堂  
入洛重看枚叔簡  
還家不數買臣章  
星槎醉泛梁園月  
畫錦濃薰御苑香  
同學少年爭接席  
宵云裘馬有輝光

湯進士父母雙壽

南極祥光映少微  
西躔婺女夜交輝  
宮中特賜三花錦  
庭際爭看五色衣  
鴻寶枕中多秘授  
鳳

毛天上日高飛詞人共有如川祝好挹長江入  
壽卮

尤鑑峰左遷和州守

每憶公車聽漏晨十年岐路惜風塵帝鄉乍作  
雙龍合主眷重看五馬新里耳難調流水曲脩  
眉莫畫遠山春八公仙跡應長在好覓瑤華學  
煉真

冬朔頒曆

銀壺漏趣五更闌玉曆親承五度頒三館日編  
增鳳紀兩階雲合籙鷄班時平疊疊勤民事老  
去依依戀聖顏應被滄江鄰父咲田園蕪盡不  
知還

賦得雙塔寺

禁城西去敞禪扉二塔亭亭峙翠微月上珠林  
宵並照春歸玉笋日相依夏庭婉變雙叢降葉  
縣聯翩兩鳥飛寂後底須留幻蹟梵王猶自說  
空機

早朝值大雪

閭闔遙開散曉霞同雲忽合四郊遮形墀乍擁  
千官仗繡服驚添六出花班籛眞看聯玉筍朝  
回虛擬拾瑤華占年預爲三農頌郢曲新成敢  
自誇

劉西麓授金華丞

更生早歲擅談經獨抱才名老漢庭幾載苦吟  
燕月白一宮笑對越山青石羊何處尋仙跡寶  
婺于今見客星莫向松間了公事道晴稱雨尚  
堪聽

民部蘇訥菴按察承天

十年曳組近垂棠紫微新裁豸繡光天子念深  
湯沐邑使君榮借度支郎陽春歌曲從今續江  
漢風流自古長金馬舊遊如未忘飛緘時及北  
鴻翔

韓封君友蘭壽詩

抱甕江頭自灌園絲綸日荷九天恩蕙蘭老去  
長爲友桃李春來盡在門池上鳳毛依日月枕  
中鴻寶秘乾坤大官跡膳年年錫相伴南山作

壽尊

張毅庵知襄陽

金虎新符下玉墀金明回首思遲遲霓旌雪後  
颺燕道露冕春來耀漢帷駿業重摩羊叔石清  
才好和孟公詩何當一過長干陌聽唱鞞鞞倒  
接離

恭和先人南陽成室原韻

蓬蒿徑裡闢新宮半榻居然萬卷中高咏更無  
梁甫恨耦耕真近鹿門風昇平不似三分世開  
濟何須八陣功獨抱白雲長日卧南陽隨地有  
人龍

邃谷長林隱者宮王圖帝畧一廬中青編夜聽  
鐙前雨黃犢春行隴上風菽水已知移孝具草  
廬未展濟時功涸鱗亦自沾升斗時傍衡門問  
伏龍

一泓流水繞新宮萬疊雲山擁護中時宰未開  
東閣日幽人自愛北窓風曲肱枕入羲皇夢抱  
膝吟卑管樂功三顧難逢魚水會肯從庖肆試

屠龍

龍卧無緣入漢宮  
研精理性一丘中  
種松擬息千年鶴  
稅竹多收九夏風  
坐向竹林消世慮  
結成松子見元功  
茯苓出土今如斗  
雷雨年年起籜龍

依山臨水結儒宮  
翠壁青波偃卧中  
迴合雲屏千嶂曉  
漣漪晴縠半溪風  
春秋絃誦優游歲  
左右圖書啓佑功  
養就鱗鬣池上老  
風雲何日可爲龍

漠漠田間又一宮  
琅琅天樂翠微中  
繞林讀罷聞周易  
刻竹吟成似國風  
宴歲鴻冥深野趣  
在時虎視闕玄功  
泥蟠未幾乘雲去  
賸得人傳是卧龍

隆中半榻圖成感述

南陽當日手誅茅  
擬跡隆中似更幽  
高卧已無聞達念  
躬耕元爲旨甘謀  
龐公拜處風猶古  
梁甫吟成韻尚留  
長有煙雲依半榻  
至今人指伏龍樓

龍卧幽踪未易尋  
草廬深結白雲岑  
端居不畫三分策  
孝養何殊二表心  
澹泊自明高士志  
開誠猶使里人欽  
山頭手植參天樹  
已似祠前古栢森

山中樓跡類迹名  
誰識人間孝子情  
本爲高堂圖色養  
故從鄰父學躬耕  
結廬地勝符前哲  
寢苦哀深瘁此生  
萬古雲霄同一羽  
不堪悽斷夜鶻聲

繆從群少學馳驅  
回首隆中日月疎  
北闕濫分金馬署  
南陽空憶卧龍居  
一犁芳壠煙霄外  
半榻遺編夢寐餘  
指點丹青認幽躅  
白雲何處是吾廬

一着塵鞭不自由  
天涯目斷故園愁  
鹿門有業翻蓬累  
魚水何時祗浪遊  
長折驛梅悲篔簹  
路每從祠栢念松楸  
關山路失終難定  
岵岵圖成淚未收

半榻山中闕白雲  
孤兒何處仰遺芬  
蜀西幾墮啼鶻淚  
冀北空隨市駿群  
明志未能光往烈  
鞠

躬無術愧前聞塵途擾擾成何事日把生綃對  
落曛

乙酉元日

帝苑重看歲事新衰遲猶自濫朝紳五更魚鑰  
千門炬九陌鸞鑣十丈塵伯玉自憐侵化境長  
沮相問笑遺津神桃粉荔逢年換旅食悠悠愧  
此身

春風五見上林花回首滄洲歲月賒手植杉松  
今拱抱心憐蒲柳日頽斜求羊何處尋三徑莊  
惠無須辦五車幸有春衣堪日典朝回先過酒  
人家

今年喜色倍尋常尊酒天涯對季方自顧寒花  
隨劍佩何如春草夢池塘飲聞間井多新語醉  
認長安作故鄉海上雲窩無恙在相携歸去好  
徜徉

浮蹤回憶十年前此日褒城駐客駟淚下鳴猿  
心自壯情鍾舐犢恨難蠲餘生奔走孤懷結薄  
祿牽纏萬事遷漫把一杯酬旅節風搖庭樹意

茫然

寄答蜀方伯朱明虹

長記巴東坐嘯時十年名業滿疆陲  
雪山丹重巖公節錦水仍添杜老詩  
是處問閭還揖讓異時文藻並昭垂  
長安無路承西笑空有三刀入  
夢思

芙蓉城闕錦江頭曾擁鸞箋侍唱酬  
一去關河憐阻絕幾年魚雁怨沉浮  
夜占益部星辰遠日對燕山雨雪愁  
花逕藥闌風雅剩何時重許嗣

芳遊

送陳荆山給諫謁歸

知君亦未厭承明回首滄洲却有情  
鸞掖幾年焚諫草鵬池六月息遙程  
行邊柔綠憐芳杜到日輕紅擘側生  
自笑陸沉頭欲白故園歸夢渺難成

貢江山知泉州

霓旌縹緲拂晴氛驪唱聲催曙色分  
暫向甘泉辭法從遙看閩海頌神君  
刺桐花醉清源雨荔

子香蒸紫帽雲此際正宜閒草牘倘因南鴈一  
相聞

送朱任齋審決江南因歸溫清省親

薊門秋色入征駢行道爭看畫繡歸法從相將  
丹筆去鄉心先逐白雲飛清源水暖黃魚美紫  
帽煙深綠筍肥君有王程湏在念莫因絲服戀  
庭闈

周任台改官瓊州

越中棠樹已扶疎闕下仍分海外符瓊島故爲  
仙吏宅樓船新傍使君艫長風直破晴江浪明  
月應還夜浦珠萬里相思難命駕尺書莫遣北  
鴻孤

黃蒼岳改官閩藩

薊門卮酒重歌驪閩海新承寵命時歷塊豈應  
淹驥足入宮元自如蛾眉西來短劔衝星冷南  
望長天去鳥遲故里蓬蒿蕪沒久看君河潤到  
衡茨

崔中翰榮封雙壽卷

壽域雙開倚禁扉  
懽承三接湛恩稀  
花前杖舄聯宮錦  
草罷絲綸戲綵衣  
鴻寶枕中多秘授  
鳳毛天上轉高飛  
詞人漫有恒升頌  
雲誥焜煌日並晞

閏九月偶題

寒威入枕曉霜稠  
拊髀空驚日月流  
官似黃楊仍見閨情如芳草  
已先秋懷人天外看鴻度  
招隱山中夢鹿遊  
萍水浮踪元不繫  
朝簪何事未堪投

扈駕天壽山與謝光祿夜話

三年廷署四陪鑾  
天壽峰頭立馬看  
王氣晨浮三殿紫  
賜衣秋奪萬楓丹  
彤庭裂帛憐寒女  
玉粒分甘費大官  
篋裏青烏慚未讀  
漫從鄉月說星巒

送劉成山教授汝寧兼寄祁太守

殿前作賦欲凌雲  
壯氣翩翩自不群  
駿市未酬千里足  
龍淵空抱七星文  
黑裘落落莫長安  
道絳帳逡巡汝水濱  
五馬使君能愛士  
三鱣看爾吐

奇聞

送陳少坡教岷縣

早年文彩擅詞場  
湖海歸來鬢未蒼  
一命暫爲秦博士  
諸生爭識漢中郎  
斗間夜色蟠龍氣  
越絕春風滿鱸堂  
千里相思難命駕  
夢魂時上剡溪航

譚比部出巡常州

朱轡初駕曉風輕  
五馬如龍出漢京  
露冕寒帷新受寵  
雲司簪筆舊知名  
千家菴畫行歌洽

壑風煙坐嘯清  
聞說洮湖梧百尺  
政城端聽鳳凰鳴

送張大兄

君家兄弟眼中希  
竝有雄名動帝畿  
三寸舌存馮軾掉  
九重恩溥賜金歸  
滄江渺渺煙波遠  
易水蕭蕭雨雪霏  
鳥鳥情深迴翅急  
鴈行應自惜分飛

楊以義侍御奉 詔巡甘肅

鳳毛矯矯集烏臺  
萬里籌邊簡異才  
繡斧遙臨

西極動長纓看繫左賢回嚴城月靜千家柝絕  
幕風清五郡埃從古外寧多內慮明庭應有諫  
書來

蔡台甫侍御謫馬邑幕史

一封未許徹宸聰萬里投邊惜去驂空使士林  
傳諫草宵憐宦跡逐飄蓬人間未辦函牛鼎塞  
上聊看失馬翁拂拭芙蓉光照室憑君西去倚  
崆峒

丙戌元日

緩轡長裾飽軟塵長安六見柳絲新每拈花勝  
驚衰髮却對椒觴憶遠人碧海好尋歸去棹金  
門無問後來薪故園桃李應相待會到家時及  
晚春

徐吏部雙壽重封卷

紫極雙瞻夜宿輝彤闈蕃錫主恩稀山公啓衍  
長生籙海屋籌增杜德機天上松苓移歲色人  
間桃李共春暉無須更撰岡陵祝天語時聞玉  
屑霏

將行役浙中留別孫侯居寅長時孫方以  
諫儲奉嚴譴待命窮邊未下

孤憤堪回少海春明廷爭誦諫書新邊城何處  
宜遷客國史于今有世臣雄劍氣馮南斗上離  
心愁向越江濱尺書此去應稀少日數遙天鴈  
幾巡

王幼文年兄出守德安

朱轡初駕鬱崔嵬萬里雄飛亦快哉金馬乍驚  
詞客去篠驂爭遲使君來風恬夢澤龍蛇擾春  
入沅江蘭社開越箛獨憐行役早征鴻何日繫  
書回

楊村舟中聞孫侯居改謫潮陽

君王何意念遷臣塞北移恩嶺海濱咫尺威顏  
依闕戀八千遙路倦游身瘴江重見馴蛟龜蠶  
室終應問鬼神越客乍聞偏自喜西湖還有竝  
舟辰

侯居第雨田竝舟南至楊村聞兄潮陽之  
命別去賦此送之

與君相見卽相驩元季于今復二難去國暫憐  
鴻影散衝星時恠鷺膏寒潮陽遠道春誰伴別  
墅離尊日未闌後夜荆花還共笑孤舟回首獨  
漫漫

三月晦日舟阻靳家淺不行時同部三十

餘舟

河上愁心對夕暉帝鄉回首日依依流鶯已逐  
殘春去彩鷁誰當破浪飛白晝幾迴消旅夢黃  
埃千里入人衣家中早計行程久應恠天涯客

未歸

過崇安分水關

十年車馬徧人寰此日青牛復度關候吏知誰  
占紫氣故山應自厭塵顏浮蹤未許匏同繫倦  
翼難隨鳥共還欲把一竿尋釣叟滄波猶隔幾  
重山

舟泊龍江陳比部馬叅軍携酒舟中

江城五月燕雛飛江上游人尚未歸目極菰蒲  
牽雀舫心憐笙葛換貂衣三山指點行難近六

代風流事已非何處輕舟頻載酒客愁聊傍醉  
中揮

至家

里門欲近却征車半榻蕭蕭舊草廬昔去祇存  
三徑在今來又是十年餘杉松頽長參天色縹  
帙新添插架書俯仰有懷人不見可堪老淚暗  
沾裾

七月六日焚黃

南北飛雲無定踪夢魂長結故山松敢期跛足  
能千里却荷殊恩自九重鶴表近聞華柱語龍  
光下賁若堂封歡聲繚繞傳空谷似覺青山色  
倍濃

雙壠藏衣卜幾年孤兒空有淚如泉宅中靈闕  
風雲護天上褒封日月懸章服屢塵三錫命絲  
綸直起九原宣國恩庭訓俱難報欲効塵涓重  
自憐

柘水新居

客車何處卸塵泥新闢衡門柘水西松菊未謀

三逕適鷓鴣且遂一枝棲無人問字嘲誰解有  
酒盈尊幼自携爲語鄰翁須暫別歸來倘及杖  
春藜

八月初六日至杭州

買棹錢塘幾度來旌旗此日滿江隈草茅跡在  
慚非分車服榮深愧不才鄉國遠牽愁緒併簡  
書先爲鬢華催千家共聽金鷄赦何日天闈一  
疏回

北關蔣農部招泛西湖因同南關馬水部

登三天竺用原方伯韻

湖上扁舟何處廻一筇三竺倚崔嵬雨餘千澗  
迎潮上天外雙峰入坐來簇繡春回霜葉候登  
高夜落雨花臺主人醉客歡無極幾月愁懷已  
盡開

同馬水部蔣農部吳山晚眺

隔江遙送夕陽春竝馬吳山第一峰東挹扶桑  
滄海接西招天竺翠微重城鴉漸滿來時路野  
鶴空留去後蹤莫以登臨生感慨芳尊乍可破

塵容

王唐二運使讌湖心亭

湖上移尊日未晡  
水心容與一亭孤  
晴波四合蓬爲島  
水壑中央玉作壺  
三竺雲梢沉過鳥  
六橋煙影亂浮鳧  
清歌能使遊魚聽  
細浪斜吹近酒壚

二部使邀陪傳伯恭  
侍御遊靈隱觀石洞  
飛來峰

萬疊雲根一竇通  
珊瑚交柱玉玲瓏  
煙霏境隔

鴻濛外日月光分窈窕  
窕中竺一國何年初斷  
鷺籃輿此日乍陪驄  
興來更躡峰頭屐歸去  
翩翩欲御風

傳侍御招遊石屋夜讌達曙

仄逕盤紆入翠微  
萬峰迴薄敞巖扉  
洞中白日朝相盪  
谷口遊雲暮自歸  
近榻諸天陪語笑  
深冬百卉轉芳菲  
一尊徑傍霜威醉  
夕露何妨濕蒲衣

虎跑寺觀東坡墨跡

癸山集 卷八  
為厭緇塵泥素裾綠蘿遠覓野僧居千山境絕  
猿吟處萬斛泉流虎跑餘林際尚傳茶鼎在石  
間猶似墨痕初蘇公去後遊人少磴道苔深古  
木疎

嘉興龔太守邀飲南湖煙雨樓

西湖遊遍復南湖煙雨樓高四望孤千頃玻璃  
環島嶼萬家鍾鼎隔蓬壺波中霜堞時開合天  
外雲林半有無渤海使君能醉客且拚鄉思付  
醞酬

丁亥元日林錦峰叅知席上口占記前此

丙子歲首會成都蓋一周星矣

去年鳳閣聽鷄晨此日嵩呼傍雪濱栢酒淹留  
憐地主萍踪荏苒愧波臣蓬蒿未許吾廬老梅  
柳長驚客候新回首西川成夢覺相逢且醉太  
湖春

人日陳後梅太守席上偶成

十年浪跡逐飄萍湖上逢君眼倍青劇語幾迴  
春雪度清歌一曲暮雲停天涯韶景憐人日地

主多情念客星醉去悄然心欲折幽懷不爲酒  
難醒

同林參知遊峴山逸老堂

東風已滿峴山堂竝轡尋芳客思長逸老何年  
遺杖鳥憐春是處有壺觴林間踈磬傳清梵草  
際豐碑卧夕陽故國菟裘渾未卜他鄉風物且  
徜徉

晨登道場山

道場巖業擁層闌遊子馮高醉眼寬千里晴巒

天外合萬家煙樹沼中看曜靈倒送扶桑暖雲  
氣遙蒸震澤寒石上空傳冲舉跡臨風何處借  
飛翰

潘印川司寇昆山別業

昆山春色鬱蒼蒼萬頃湖光接混茫雨露年深  
松桂老池臺風滿薜蘿香赤松早結留侯約綠  
野新開晉國堂一望晴莎遊屐遍徘徊未肯上  
歸航

發嚴州公署

到日穠花照牖紅出門新綠滿芳叢韶光不駐  
隨流水勲業無端落片風誰使青春長作客自  
憐玄鬢已成翁故園桃李遙相笑回首蒼蒼暮  
照中

寄懷謝光祿

春明一散阻歡期渺渺遙天結夢思安石祗今  
淹舊望玄暉何處賦新詩花時定有翻階句月  
夜誰陪賭墅碁可念轉蓬江海上隱囊吟捲總  
難隨

趙清獻故居

數椽猶傍越江濤蕭蕭清風振古今門外更無  
千里馬庭前那有四知金曾遊携鶴當年郡敢  
負焚香每夜心東浙西川頻下拜一杯流水爲  
君斟

郡守曾景默集一覽亭亭爲

高皇駐蹕處景默建亭豎碑其上

一覽亭前酒一卮風雲想見駐師時牧宮義旅  
初征葛白水真人始破眉草木只今猶敵愾乾

荆山集 卷八  
坤從此漸清夷使君有筆如歐史豐樂重磨十丈碑

午日黃聞野叅知席上賦

蕪江去歲泛星槎此日依依婺水涯短劍有緣常伴客浮蹤何處不爲家石羊山近人難覓艾虎心驚鬢共華明發送君朝闕去一尊愁對石榴花

送黃叅知入賀黃舊理刑越中

挾策登朝三十秋一麾重擁越江舟石羊來覓黃初起竹馬爭迎郭細侯未使十州瞻露冕還將三祝獻宸旒波臣近有朝宗念金鑒微忠愧未酬

誠意伯祠

蠖屈龍蟠欲有須經綸草昧見雄圖風雲耦合天爲授日月重開手自扶湯相何心先就桀漢臣遺恨失吞吳亦知殺運關真宰聖哲空紆濟世謨

胡月川叅知招遊南明洞天時齋禱彌旬

是日始解禁相與執爵樂甚縱步至山  
巔竟夜而返紀之以詩

南明別有洞天幽躡盡丹梯到上頭雙屐直從  
雲外度一觴初爲雨餘酬新泉百道虹垂澗斜  
日千山蜃吐樓如此江山如此飲相看不醉更  
何求

直憑短策破嵌崿萬仞岡頭一振襟佛掌留雲  
晴亦雨石梁懸水晝長陰新荷綽約遊魚影穆  
木差池倦鳥音相對嗒然忘日夕隔江燈火已

更深

喻邦相邀遊三巖寺觀飛雨泉分得名字

誰遣流泉瀉石砮陽侯應與巨靈爭一天飛雨  
晴空墮五夜明河白晝傾影入尊壘堪竝醉潤  
沾衣袂有餘清無人爲賦青蓮句不分匡山獨  
擅名

胡參知邀遊麗陽宮得蘿字

先朝遺殿碧山阿偶及追歡竝轡過嘯發長風  
振林樾杯傾清露下松蘿甌吳控帶金湯壯唐

宋題封玉牒多草次殘碑苔蝕盡低回欲去重  
摩挲

胡叅知邀登白雲山得煙字

白雲山與碧霄連到此塵心已盡捐短鳥行迷  
空翠逕輕衣欲染蔚藍煙九天樓殿虛無裏二  
浙山川指顧前更說仙都何處是攀松藉草不  
知還

胡叅知爲余譚澧州華陽王之賢不容口  
示以手書詞染俱妙因出味一卷索題  
味一者王別號也王善玄言故以自號  
卷中皆海內名筆余翩然有小山之思  
焉遂不辭而賦之

何年一出曳裾門是處相逢說兔園澧浦神仙  
蘭好佩淮南賓客桂初繁詩成白雪人難和味  
入玄言道自尊清讌無由奉飛蓋因君授簡憶  
王孫

七夕蕭拙齋席上口占

仗劍辭家又一年越中秋色變山川紅漂淺漾

芙蓉水青薄平林草樹煙千里難窮秦望目雙  
星空照鑑湖船主人坐上尊常滿且付鄉心博

醉眠

去年七夕別陳五岳方伯于三山惠詩忽  
一週矣今七夕羈跡山陰倚其歌而和  
之

去歲三山一棹迴薇垣彩筆落崔嵬蛟龍峽裏  
驚濤轉鳥鵲橋邊抱石來回首又逢牛女候此  
身忽在越王臺如流日月催雙鬢何處幽懷得

嗣開

中秋日過蕭拙齋商燕陽張含宇累謙逮  
夜口占

千里嬋娟此夜開客懷何地重徘徊乾坤浩蕩  
從難定俯仰蒼茫感易催玉筍空傳神禹簡錦  
衣不見越王臺何如潦倒隨佳勝是處相逢一  
醉回

寄懷馬水部

兩年不見馬相如獨掩長門誦子虛宛對幽人

新山集 卷八  
三  
紉薜荔真憐清水出芙蓉錢塘八月驚潮候鷺  
嶺孤峰落桂餘此際新篇應更麗可能無意剡  
川魚

九月朔日

四明羈客獨心悲身在天涯尚未歸寸草難將  
遊子念五花忍着使臣衣弧垂此日腸先斷庭  
實如雲淚暗揮人世有親生不養青雲何用說  
雄飛

劉景孟憲使招遊東湖觀史浩丞相所鑿

補陀

棹盡清溪又一丘茂林脩竹不勝幽千層雲壑  
乾坤闕十里晴波日月浮海外移來堯率境人  
間別有武陵舟兩朝相國經營後留與遊人狎  
白鷗

面面嵐光擁翠蕪東湖真不讓西湖中流堤比  
蘇公曲絕嶠山疑處士孤細雨清湍迴藻荇深  
秋紅葉間菰蒲主人選盡區中勝消受如泉酒  
百壺

次桑洲驛訪革除遺臣盧編脩故居

桑洲洲上問遺臣野老含悽未忍陳歸骨無憑  
空蔓草故居何處久荒榛杜鵑已化西川魄精  
衛猶銜東海嗔獨有英風長不散首陽千古竝  
嶙峋

台郡守楊貢齋邀遊東湖

匹馬流觀海上圖一尊隨處有東湖三台倒影  
涵天鏡萬壑凝冰置玉壺乍可清狂容傲吏不  
須感慨問樵夫興亡百變浮雲散且對湖光共

醉呼

金存庵老師霞舉樓席上口占

一去門牆三十秋重瞻杖屨念悠悠依然孺子  
當年榻更上元龍此日樓緒論難窮攻木秘玄  
言已遂飲河求自憐行役隨蓬轉明發仍牽去  
住愁

傳侍御約余同遊鴈山余留滯四明天台  
間遂爽其期比至山而侍御先登去兩  
月餘矣侍御登山爲雨潦所苦乃余至

之日晴空曠然竒巒恠石在雲表者毫  
末盡睹不得與侍御同之賦此寄懷

幾年夢寐鴈山深芒屨籃輿愜素心白日好從  
黃鵠舉天風時聽紫鸞音欲追驄馬慚鴛後見  
說神羊苦潦侵莫恠隨車多霧雨商家原用傳  
爲霖

與衛淇竹郡守集江心寺

誰借龍宮五百年瓌竒雄壓海東偏巨鰲猶擁  
神山立彩蜃長浮佛國鮮照水珠光雙塔月隴

江鼎食萬家煙一杯此日隨仙侶疑泛波心太  
乙蓮

大江東去欲浮天海屋叅差枕碧漣四壁似曾  
經禹鑿中流獨不受秦鞭奉使槎從雲漢下登  
樓人在閩風巔開尊正對滄波長擬作長鯨吸  
百川

海外空傳有十洲何如江上駐丹丘瑤池西去  
芝田近碣石東傾砥柱留波浸樓臺天上下地  
隨潮汐日沉浮神山不隔人間世笑殺徐生弱

水舟

蘇紫溪督學邀集華蓋新亭

長安杯酒散如雲  
華蓋峰頭喜見君  
海上猶疑三殿集  
亭前細辨九星文  
諸生玉擁陽春滿  
幾局枰殘永夜分  
明發芝田驂鶴去  
一尊仍復悵離群

江心寺送蘇紫溪

江門尊酒重徘徊  
風送驚濤入客杯  
鰲背不隨流水去  
龍宮偏爲別筵開  
潮田海曲槎難繫  
日落城陰角屢催  
咫尺忽成千里隔  
飛鴻何處帛書來

江心寺懷古

航海崎嶇國步艱  
龍旂南擁象王關  
新堤曾列千官仗  
古埭猶傳萬歲顏  
避狄何如遵水滸  
貽謀端合到厓山  
興亡俯仰空陳迹  
惟有寒潮日往還

文文山祠

滿地胡塵白日昏  
間關海上覓王孫  
翠華擬振

中興蹟龍種空哀末路魂一汴二杭時已去孤  
臣九死舌猶存江心片石如天柱屹立乾坤萬  
古尊

卓忠貞祠

金川門啓憤難披碎首寧知九族夷口築刀環  
詞愈厲身膏礎斧味如飴一腔長血應爲碧千  
古文山合竝祠二百年來新廟食低回含淚讀  
穹碑

飲王陽谷參知玉介園二首園枕華蓋太

玉山椒王右軍墨池在焉

求羊逕轉翠微間行處窓開面面山萬木陰森  
環圃合羣芳繚繞曲庭閒魚忘濠濮俱非我石  
到平泉更不頑宴坐嗒然迷去路焉知林外有  
人寰

墨池舊染黃庭翰華蓋新開白玉扉碧巘盡從  
天外至綠雲時遶榻前飛行穿踈竹疑千畝手  
植高松忽數圍莫恠東山慵不起一杯相對已  
忘歸

登城上松臺郭公積穀諸山有感

輕車一日過層城訪勝偏傷覽古情謝客巖題  
春草沒郭公山在舊亭傾淨光高塔今爲葦丞  
相新臺近漸平人代廢興那可問回看天際白  
雲橫

戊子元日

薄遊日月易蹉跎尊酒逢人強嘯歌咫尺故山  
鄉信少留連新歲客懷多謝池荏苒春生草甌  
海微茫水有波自笑江湖緣未了又隨行殿聽

鳴珂

過王暘谷玉介園中梅花初開一株皆紅

綠二種

獻歲先過內史家庭梅初放數枝花朱唇半吐  
飛瓊醉青黛分施萼綠華丹穴文禽聯翠羽瀟  
湘新水映流霞主人似愛春光艷獨折紅妝對  
客誇

潘去華應召北上二首

春花滿道且躊躇手裏離杯莫放餘 明主久

虛言路席越人猶擁使公車匣中紫氣光辰極  
海內蒼生望諫書休道垂衣無闕事殿庭隨處  
可牽裾

年來諫苑厲談鋒此去應傳白簡封禹鼎豈容  
潛罔兩虞庭端合讓夔龍金門不少偷桃輩玉  
燭難調賣菜傭別後有懷那可盡逢人休遣尺  
書慵

贈周山人

長安蹀躞共芳塵冉冉回驚十五春相見俱憐  
玄髮改故知敢謂白頭新袖中錦字愁漫滅海  
上漁竿羨隱淪便欲拂衣從汝去已教人製白

綸巾

子雲今喜有童烏玄就何妨轂未朱日月儘教  
柯自爛烟波且與釣爲徒誰從門外輕題鳳我  
亦江東久憶鱸此去故山元不遠扁舟可許結  
盟無

再過江心

片石天開海上磯群仙宮闕儼相依璇題下照

鮫人室銀漢遙支織女機飛鳥銜巾春信到遊  
魚吹浪晚潮歸端居不作臨淵羨日日凌波訪  
水妃

玉介園主人預約元夕張燈園中邀月觴  
梅花是日雨雪大集薄暮忽開霽返照  
與紅梅交映光射簷牖若張錦然酒數  
行月從華蓋樹杪飛入杯中舞影滿地  
賓主盡歡極夜而罷紀之以詩

朝來四野雪霏霏不謂名園得晚暉明月忽移  
遊客影繁花爭妬麗人衣歌殘銀漏聲相續舞  
落金繩醉未歸燈散酒醒推戶起同雲如舊蔽  
天飛

發温州別衛郡守

海曲初傾酒一杯風神真似玉山頽丹書已奉  
開羅祝綵筆還驚作賦才每得詩篇長日諷相  
從旌節隔年回懸知後夜思君夢雲滿甌江月  
滿臺

謁后谷黃公祠

肅皇末造海波腥誰挽天河洗甲兵養士二百年  
無義旅捐軀一旦是書生揮戈許國身  
前語食廟追功死後名古木寒風凜生氣  
辦香回首一沾纓

發仙巖重別衛郡守於虎溪橋

數月追歡意未闌仙巖禪榻重盤桓  
一天晴雪青春麗萬樹梅花白晝寒  
曲沼飛觴橋外轉懸泉噴玉雨中看  
虎溪信宿成三笑回首方舟欲別難

萬明府邀遊前倉寶勝寺

龍象淒涼幾劫灰獨餘雙塔在高萊  
春風蘇合亡朝石落日煙生望海臺  
千載布金人已泯廿年挾策客重來  
尋常興廢無須問且爲塵踪浣一杯

搖動巖

山中萬石闢岩堯恠底層巖可動搖  
講座未開頭已點神鞭不用手堪招  
推移獨力疑遷鼎搏拊遺音似韻韶  
正倚仙鳥窮勝賞無端歸鷓出

寒潮

西城新居

兒曹卜宅近西墉越客歸來膝僅容謾挾畱書  
時自校若勞車馬日相從柴門不閉隨題鳳塵  
榻猶存可卧龍已辦一簑南郭外聖恩僮許遂

明農

廣東臬副命下

頗厭長安十丈塵君恩許作嶺南人桑榆老態  
元思暖桃李公門敢競春欲覓丹砂勾漏近行

看白雉越裳親煙波雲岫隨吾適不向長沮更  
問津

趙郡丞八十

雄飛萬里早歸休偃仰巢棲八十秋村在肯爲  
文木用宦成應與赤城遊鈴山道氣看同峻蠡  
水詞瀾欲倒流見說鷓鴣毛似鳳羽人世合有  
丹丘

送吳汝嘉之桂藩便道歸省

南陌春風楊柳黃依然琴鶴傍歸航舞衣久繫

高堂念行嘯重看故里光地八九疑雲色異天  
迴八桂木華香青霄雨露均霑灑莫謂炎州是  
瘴鄉

送陳子江訓延平時余亦將南征擬過劍

津一醉

東風吹雪漲新波結駟臨流柰別何望斷飛帆  
南去盡心驚征鴈北來多九華桃李春方滿雙  
劍風雷夜不磨到日芹香初釀熟津頭應和醉  
時歌

成都俞郡丞罷歸

九折崎嶇髮未皤羊腸何似世途頗十年襦袴  
歌庶叔一日珠犀到伏波自古娥眉難擅竈山  
來炫足不須多壺公猿鶴相俟久歸去春風滿  
薜蘿

出都門奉答西署諸寮長寵行之作

每憶聯鑣近玉墀參差鳴佩和垣麓一麾驚度  
梅花嶺盃酒愁聽柳色詩雲白西曹清夢杳月  
明南海素詩遲何年更借王喬屐來看夔龍集

鳳池

王巖潭公子詞選得高淳訓擬與余結駟  
而南遷延都下月餘而竟不可待也詩  
以送之

王氏琅玕世共賢誰如公子獨翩翩輕舟幾破  
長風浪絕調難酬白雪篇未許漢庭摧五鹿且  
從淳水起三鱸依依空有南征願安得揚鑣共  
祖鞭

常山解舟時詹濬源自廣信移刺松江招

飲塔山索贈言卽席口占

一麾北轉向雲間兩道朱幡照水般天人瀟湖  
光萬頃月明青浦鑒千山朝端舊識鳩曹峻  
閣今看鳳鳥還潦倒一尊萍散後何年霄漢聽  
鳴環

題鄭一所逸德龍光卷

抱璞衡門道故尊自珍束帛音丘園無人載酒  
尋玄室有子垂紳作國藩鳳者翥雲霄二錫命龍  
光日月九重恩欲知通德流風遠玉樹于今實

正繁

潮州喜雨

兩月驕陽百稼枯  
潮陽初見雨如酥  
一聲霹靂  
天心轉四野籠葱地脉蘇  
敢道隨車多澍澤  
不妨飛蓋共霑濡  
穗城見說歌雲漢  
前路甘霖定有無

五層樓

飛樓縹緲入丹霄  
杼檻橫杯醉眼驕  
滄海神山收浩漭  
白雲仙室闔峩嶷  
長天樹引征鴻斷  
落日松歸倦鶴遙  
便欲乘風遊汗漫  
安期何處尚堪招

海珠寺二首

滄江合有葢珠宮  
萬頃雲濤擁護中  
貝闕直分員嶠勝  
蚌光欲抗越城雄  
烟消兩岸橫春練  
潮送千帆捲暮空  
一曲滄浪歌自和  
不將清管托悲風

蒼烟一簇點平川  
鰲抃鯨翻勝自偏  
八月流槎浮漢渚  
中流廣樂奏鈞天  
鳧鷖長日迴瀾狎  
桃

杏臨風照水妍真境坐來心已醉小舟更送酒  
如泉

粵王臺

粵秀山前高築臺粵王霸氣亦雄哉北圖已割  
秦封在南面猶勤漢使來海上赭衣何絡繹國  
中黃屋自崔嵬一時桀據今安在臺上萋萋滿  
綠苔

觀春讌有感

春花已遍越江濱土鼓初傳歲事新乍可衣裳  
誰稚子敢云簪組繼間身何人汨沒甘懷寶象  
世倉黃總貴珉物態未須深着眼一尊且自學  
沉淪

庚寅元日

十載明光侍綵旄蓬踪忽到越江臯庭中春喚  
傳牙早夢裡時驚執戟勞顛倒衣裳隨候吏追  
陪劍珮憶仙曹驅馳枉却間筋力祇博清霜入  
鬢毛

黃憲使招遊七星巖與沈方伯李少參羅

藏山集 卷八  
督學同遊次徐憲伯原韻

何年星化石還留萬壑千巖獨擅幽雲竇參差  
通碧落晴湖繚繞護丹丘來從霄漢浮槎使歸  
泛滄瀛弱水舟已向仙家食玉去肯隨人世問  
蜉游

黃憲使水亭新成諸公小集因泛舟遊諸

洞

水亭宛轉水中央石色波光競入觴祇訝蜃樓  
浮日紫又疑鰲海駕山蒼清波暮起魚龍舞碧

漢春看燕雀翔相對塔然迷出處不知身已在  
慈航

游參知藏山集卷之八終

新山集 卷八

四三



